



KEMENTERIAN SUMBER MANUSIA

SIARAN MEDIA

RAMADAN ERATKAN UKHUWAH: MENTERI SUMBER MANUSIA SANTUNI WARGA KESUMA DENGAN PEMBERIAN KURMA

PUTRAJAYA, (19 MAC 2025) – Tradisi pemberian kurma sempena Ramadan diteruskan sebagai tanda penghargaan dan kebersamaan dalam kalangan warga Kementerian Sumber Manusia (KESUMA). YB Steven Sim Chee Keong, Menteri Sumber Manusia, menyantuni warga KESUMA dengan sumbangan kurma, melambangkan semangat perpaduan dan keprihatinan di bulan penuh keberkatan ini.

"Ramadan bukan sekadar bulan ibadah, tetapi juga masa untuk kita mengukuhkan perpaduan, berkongsi rezeki, dan menghargai sesama insan. Pemberian kecil ini melambangkan penghormatan serta penghargaan kepada warga KESUMA yang sentiasa komited dalam tugas mereka," kata YB Steven Sim.

Dalam suasana Ramadan yang mengutamakan nilai keinsafan dan kebersamaan, YB Steven Sim turut menzahirkan penghargaan kepada para pekerja yang terus berkhidmat dengan penuh dedikasi. "Setiap usaha dan sumbangan warga kerja amat bermakna dalam memastikan sistem penyampaian perkhidmatan berjalan lancar. Kecekalan dan semangat mereka menjadi tunjang kepada kemajuan organisasi dan negara," tambah beliau.

Inisiatif ini juga mencerminkan nilai sambutan bersama dalam semangat Malaysia Madani, yang menekankan keprihatinan dan kebersamaan dalam membina masyarakat yang lebih harmoni. Ramadan mengingatkan kita tentang pentingnya kasih sayang dan solidariti, bukan hanya dalam keluarga tetapi juga di tempat kerja dan dalam kehidupan bermasyarakat.

Semoga keberkatan Ramadan ini menguatkan silaturahim, menyemai nilai kemanusiaan, dan mendorong kita semua untuk terus berbuat kebaikan.

KEMENTERIAN SUMBER MANUSIA
20 MAC 2025

LAMPIRAN**LATAR BELAKANG KESUMA**

Kementerian Sumber Manusia atau singkatannya KESUMA adalah kementerian yang bertanggungjawab kepada pembangunan kemahiran, pekerjaan, keselamatan dan kesihatan pekerjaan, kesatuan sekerja, perhubungan perusahaan, maklumat dan analisis pasaran buruh dan keselamatan sosial.

PERANAN & TANGGUNGJAWAB KESUMA

Membangunkan dan melahirkan modal insan yang kompeten, produktif, responsif dan berdaya tahan dalam pasaran buruh negara ke arah meningkatkan produktiviti negara. Memastikan kelancaran operasi pasaran buruh negara. Meningkatkan kebolehpekerjaan dan penggajian tenaga kerja tempatan bagi memenuhi keperluan pasaran kerja negara. Memastikan perhubungan perusahaan yang harmoni dan kondusif. Mengutamakan aspek keselamatan dan kesihatan pekerjaan. Memastikan jaringan keselamatan sosial yang komprehensif, dinamik dan progresif.

JABATAN DAN AGENSI DI BAWAH KESUMA

JABATAN	AGENSI
Jabatan Tenaga Manusia (JTM)	Pertubuhan Keselamatan Sosial (PERKESO)
Mahkamah Perusahaan Malaysia (MPM)	Institut Keselamatan Dan Kesihatan Pekerjaan Negara (NIOSH)
Jabatan Pembangunan Kemahiran (JPK)	Human Resources Development Corporation (HRDC)
Jabatan Keselamatan dan Kesihatan Pekerjaan (JKKP)	Talent Corporation Malaysia Berhad (TALENTCORP)
Jabatan Tenaga Kerja Semenanjung Malaysia (JTKSM)	Perbadanan Tabung Pembangunan Kemahiran (PTPK)
Jabatan Perhubungan Perusahaan Malaysia (JPPM)	
Jabatan Hal Ehwal Kesatuan Sekerja (JHEKS)	
Jabatan Tenaga Kerja Sabah	
Jabatan Tenaga Kerja Sarawak	